

9317 18

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR

SLUŽBA ZA FINANSIJE

FINANCE DEPARTMENT

Broj: 06-11-2393/19-23 veza Ž  
Ilidža, 17.07.2023. godine

Na osnovu člana 100. stav (3) Zakona o javnim nabavkama ("Službeni glasnik BiH" broj: 39/14 i 59/22), rješavajući po žalbi ponuđača SMAJIĆ INŽENJERING d.o.o. Goražde zastupan po punomoćniku advokatu Mašić Muameru iz Goražda, izjavljenu na Odluku o izboru najpovoljnijeg ponuđača za JN 39/23 Lot 2 "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža", općinski načelnik donosi:

## RJEŠENJE

I

**USVAJA SE** žalba izjavljena od strane ponuđača SMAJIĆ INŽENJERING d.o.o. Goražde, na Odluku o izboru najpovoljnijeg ponuđača broj 06-11-2393/23-8 Lot 2 od 27.06.2023.g. za nabavku usluga "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža" LOT 2, **kao osnovana**.

II

Stavlja se van snage Odluka o izboru najpovoljnijeg ponuđača 06-11-2393/23-8 Lot 2 od 27.06.2023.g.

III

Po pravosnažnosti ove odluke, ugovorni organ će ponovo zakazati e-aukciju za JN 39/23 Lot 2 "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža".

IV

U pogledu zahtjeva žalioaca za naknadu troškova po predmetnoj žalbi, ugovorni organ donijet će poseban zaključak.

## Obrazloženje

Ugovorni organ je odlukom broj: 06-11-2393/23-1 od 30.03.2023. godine pokrenuo otvoreni postupak nabavke usluga "Nadzor nad poslovima sanacije, rekonstrukcije i asfaltiranje saobraćajnica prvog, drugog i trećeg reda na području općine Ilidža (3 LOTA)".

Broj obavještenja sa Portala javnih nabavki: 888-1-2-98-3-79/23 od 06.04.2023.g. Procijenjena vrijednost nabavke za LOT 2 iznosi: 8.551,36 KM bez PDV-a.

U navedenom postupku donesena je Odluka o izboru najpovoljnijeg ponuđača broj 06-11-2393/23-8 Lot 2 od 27.06.2023.g. kojom je ponuda ponuđača FM INŽENJERING doo Sarajevo proglašena najpovoljnijom.

Ponuđač SMAJIĆ INŽENJERING d.o.o. Goražde zastupan po punomoćniku advokatu Mašić Muameru iz Goražda izjavio je žalbu na Odluku o izboru najpovoljnijeg ponuđača broj 06-11-2393/23-8 Lot 2 od 27.06.2023.g. za nabavku usluga "Nadzor na realizaciji projekta Sanacija, rekonstrukcija i asfaltiranje saobraćajnica drugog reda na području općine Ilidža" koja je kod ovog organa zaprimljena 12.07.2023.g. i protokolirana pod brojem 06-11-2393/ 19-23 veza.



Postupajući po predmetnoj žalbi, u skladu sa članom 100. Zakona o javnim nabavkama ugovorni organ je utvrdio da je žalba blagovremena, dopuštena, izjavljena od ovlaštenog lica i lica koje ima aktivnu legitimaciju.

Žalilac smatra da je navedena odluka donesena pogrešnom primjenom odredaba čl. 3. i 66. ZJN jer cijena ponude žalioca ne prelazi planirana odbosno osigurana novčana sredstva ugovornog organa za predmetnu nabavku i ista iznosi 8.551,36 KM baš koliko iznosi procijenjena vrijednost nabavke.

Ponovnim uvidom u Zapisnik sa otvaranja ponuda od 26.04.2023. i uvidom u ponudu žalioca utvrđeno je da je ponuđač Smajić Inženjering d.o.o. podnio ponude za sva tri LOTA u postupku nabavke usluga Nadzor nad poslovima sanacije, rekonstrukcije i asfaltiranje saobraćajnica prvog, drugog i trećeg reda na području općine Ilidža. Dalje je utvrđeno da cijena ponude za LOT 2 iznosi 8.551,36 KM bez PDV-a, a cijena ponude za LOT 3 iznosi 9.822,85 KM bez PDV-a. Uvidom u Zapisnik sa otvaranja ponuda od 26.04.2023. utvrđeno je da načinjena greška kod upisivanja cijene ponude navedenog ponuđača tako što je cijena ponude za LOT 2 upisana kao cijena ponude za LOT 3.

Imajući u vidu navedeno ugovorni organ navod žalioca smatra osnovanim, te je odlučeno kao u dispozitivu ovog Rješenja.

#### **Pouka o pravnom lijeku:**

Protiv ove Odluke ponuđač ima pravo izjaviti žalbu u roku od 10 dana od dana prijema iste. Žalba se ulaže ugovornom organu u pisanoj formi direktno, ili preporučenom poštanskom pošiljkom.

OPCINSKI NAČELNIK

Nermin Muzur / magistar uprave

#### **DOSTAVLJENO:**

1. SMAJIĆ INŽENJERING d.o.o. Goražde zastupan po punomoćniku advokatu Mašić Muameru iz Goražda ul. Zaima Imamovića bb, Goražde
2. UNIS Institut za ekol., zašt. na radu i zašt. od požara d.o.o., ul. Srpskih ratnika 35 Pale
3. IPSA INSTITUT d.o.o. ul. Put života bb, Sarajevo
4. ARTING BH d.o.o. Nikole Šope 9 Ilidža
5. FM INŽENJERING doo Latička 14A/2 Sarajevo
6. Služba za zajedničke poslove radi objave na web
7. Služba za komunalne poslove i infrastrukturu
8. a/a

Izradila: Enisa O.M. *OM*

*K* Kontrolisao: Benjamin M.

